



KEBAWAH Duli Yang Maha Mulia Paduka Seri Baginda Sultan Haji Hassanal Bolkiah Mu'izzaddin Waddaulah, Sultan dan Yang Di-Pertuan Negara Brunei Darussalam berkenan berangkat ke ASEAN Leaders' Interface with Representatives of ASEAN Youth (atas sekali kiri), sementara gambar atas, baginda berkenan dijunjung bergambar bersama para wakil negara di ASEAN Leaders' Interface with Representatives of ASEAN Youth, Ketua Operasi dan Ketua Urusetia, Sukarelawan Belia COVID-19, Awang Mohammad Abdul Wafi bin Haji Sofian; dan Mahasiswi Jurusan Undang-undang dan Syariah, Universiti Islam Sultan Sharif Ali (UNISSA) Nur Izzah Amalia binti Malik Iskandar. Manakala gambar kiri, para belia yang mewakili Negara-negara Anggota ASEAN di ASEAN Leaders' Interface with Representatives of ASEAN Youth.



KEBAWAH Duli Yang Maha Mulia Paduka Seri Baginda Sultan Haji Hassanal Bolkiah Mu'izzaddin Waddaulah ibni Al-Marhum Sultan Haji Omar 'Ali Saifuddien Sa'adul Khairi Waddien, Sultan dan Yang Di-Pertuan Negara Brunei Darussalam berkenan dijunjung bagi sesi bergambar ramal pada ASEAN Leaders' Interface with Representatives of ASEAN Youth, di Sokha Phnom Penh Hotel.



BINCANGKAN PERANAN BELIA TINGKATKAN PEMBANGUNAN MAMPAN

PHNOM PENH, KEMBOJA, Khamis, 10 November. - Kebawah Duli Yang Maha Mulia Paduka Seri Baginda Sultan Haji Hassanal Bolkiah Mu'izzaddin Waddaulah ibni Al-Marhum Sultan Haji Omar 'Ali Saifuddien Sa'adul Khairi Waddien, Sultan dan Yang Di-Pertuan Negara Brunei Darussalam petang tadi berkenan berangkat menghadiri ASEAN Leaders' Interface with Representatives of ASEAN Youth, yang berlangsung di Sokha Phnom Penh Hotel.

Semasa sesi tersebut, para Pemimpin ASEAN dan perwakilan Belia ASEAN, antara lainnya membincangkan mengenai peranan belia sebagai pemimpin masa depan ke arah meningkatkan pembangunan mampan di rantau ini.

Semasa ASEAN Leaders' Interface with Representatives of

ASEAN Youth ini, Negara Brunei Darussalam diwakili oleh Ketua Operasi dan Ketua Urusetia, Sukarelawan Belia COVID-19, Awang Mohammad Abdul Wafi bin Haji Sofian; dan Mahasiswi Jurusan Undang-undang dan Syariah, Universiti Islam Sultan Sharif Ali (UNISSA) Nur Izzah Amalia binti Malik Iskandar.

Sesi ini merupakan sebuah platform bagi Pemimpin-pemimpin ASEAN, dalam menyampaikan hasrat mereka terhadap para belia, serta bagi para belia untuk mengonaskan usaha-usaha dan sumbangan-sumbangan masing-masing ke arah pembangunan serantau.

Sebelum berangkat balik, Kebawah Duli Yang Maha Mulia berkenan beramah mesra bersama perwakilan Negara Brunei Darussalam berkenaan.